

Na osnovu odredbe člana 30. i 48. Pravila Univerziteta u Sarajevu-Fakulteta islamskih nauka, na prijedlog rukovodioca Centra za Kur'an i sunnet, dekan Fakulteta raspisuje:

KONKURS

za prijem studenata i studentica koji uče hifz u stambeni prostor Centra za Kur'an i sunnet
Fakulteta islamskih nauka Univerziteta u Sarajevu

I

(1) Centar za Kur'an i sunnet Fakulteta islamskih nauka Univerziteta u Sarajevu će u akademskoj 2025/26. godini primiti 15 studenata/studentica na smještaj u stambeni prostor Centra za Kur'an i sunnet Fakulteta islamskih nauka kao vid podrške studentima Fakulteta islamskih nauka pri učenju hifza Kur'ana.

(2) Pravo na smještaj imaju studenti koji uče hifz, uz napomenu da prednost za smještaj imaju studenti Fakulteta islamskih nauka Univerziteta u Sarajevu.

II

Centar za Kur'an i sunnet stambenom prostoru za korisnike pruža sljedeće usluge:

- smještaj u klimatiziranim jednokrevetnim, dvokrevetnim, trokrevetnim ili četverokrevetnim sobama sa kupatilom, uz cjelodnevno korištenje energenata;
- korištenje sanitarne tople vode;
- korištenje interneta (učionice, čitaonica, multimedijalna sala i sl.);
- korištenje čitaonice i biblioteke;
- korištenje vešeraja;
- učešće u programima i sekcijama edukativnog karaktera;
- učešće u programima vjerskog, društvenog, kulturnog, sportskog i humanitarnog karaktera.

III

(1) Uz prijavu na konkurs potrebno je dostaviti sljedeće **obavezne** dokumente:

1. Svojeručno potpisanu prijavu za prijem u stambeni prostor Centra u slobodnoj formi;
2. a) uvjerenje visokoškolske ustanove o statusu studenta;
b) novoupisani studenti podnose ovjerenu kopiju svjedočanstva iz završnog razreda srednje škole.
3. Pisana izjava muhaffiza o učenju hifza (studenti koji još uvijek nemaju muhaffiza mogu podnijeti pisani pristanak nekog od muhaffiza sa Fakulteta ili drugih institucija Islamske Zajednice u BiH da će ih mentorski voditi u narednoj akademskoj godini);
4. kopiju lične karte/pasoša i CIPS-ovu prijavu/bijeli karton, ne stariju od šest mjeseci (CIPS-ov dokument/kopija)

(2) Nepotpunom prijavom smatrat će se prijava uz koju nije dostavljena **obavezna** dokumentacija tražena konkursom i kao takva se neće uzeti u razmatranje.

(3) Prijava uz koju nije dostavljena dopunska dokumentacija će se smatrati potpunom, a prijavljenom studentu će bodove dodijeliti Komisija koju imenuje Vijeće Fakulteta, po osnovu uredno dostavljene **dopunske** dokumentacije i to:

1. uvjerenje o prosječnoj ocjeni ostvarenoj tokom studija (prepis ocjena sa fakulteta), odnosno prosjek ocjena u srednjoj školi za novoupisane studente (svjedočanstva I,II,III i IV razreda);

2. potvrdu/uvjerenje o osvojenim nagradama na takmičenjima na međunarodnom nivou, državnom ili nivou Rijaseta, entitetskom, na kantonalnom ili na nivou muftijstva i općinskom ili na nivou medžlisa, u tekućoj akademskoj, odnosno završenoj školskoj godini;
3. diploma o izboru za učenika generacije u prethodnoj školskoj godini;
4. potvrdu od Biroa za zapošljavanje o nezaposlenosti roditelja ili staratelja ili potvrda iz Porezne uprave;
5. uvjerenje da je student član porodice koja ostvaruje stalnu novčanu pomoć;
6. druge potvrde i uvjerenja koja dokazuju socijalni zdravstveni i drugi relevantni porodični status studenta.

IV

- (1) Rangiranje, intervju i ocjenu uslova svih kandidata obaviti će Komisija koju imenuje Vijeće Fakulteta islamskih nauka Univerziteta u Sarajevu.
- (2) U slučaju da smještajni kapaciteti ne budu popunjeni studentima Fakulteta islamskih nauka, Komisija može odobriti prijem studenata sa drugih visokoškolskih ustanova, pod istim uslovima.

V

- (1) Lista primljenih kandidata bit će objavljena na web-stranici Fakulteta.
- (2) Fakultet će nakon prijema i obrade svih aplikacija putem rukovodioca Centra odrediti uvjete i dinamiku useljavanja, raspored korištenja smještajnih kapaciteta i druge elemente u vezi sa smještajem studenata i te informacije elektronskim putem dostaviti primljenim studentima.

VI

Studenti koji ostvare pravo na smještaj u stambenom prostoru Centra za Kur'an i sunnet koriste usluge u periodu od 01.09. 2025. do 30.06.2026. godine i dužni su redovno izvršavati svoje obaveze.

VII

Međusobni odnosi Fakulteta kao davaoca usluga i studenata korisnika usluga, uključujući prava i obaveze, uredit će se posebnim ugovorom koji će precizirati prava i obaveze ugovornih strana za naznačeni period.

VIII

Prijave na konkurs dostavljaju se **lično na protokol** Fakulteta **ili poštom** na adresu: **Fakultet islamskih nauka, Ćemerlina br. 54, 71 000 Sarajevo** sa naznakom: *Prijava za smještaj u stambenom prostoru Centra za Kur'an i sunnet Fakulteta islamskih nauka*, do petka, 29. 8. 2025. godine.

Sarajevo, 22. 8. 2025. godine

DEKAN FAKULTETA
prof. dr. Mustafa Hasani